

Ammasumik ataatsimiinnermi oqaluuserisassat:

Imm. 01. Oqaluuserisassat akuersissutigineri.

Imm. 02. Siulittaasup nalunaarutai.

Aningaasaqarnermut tunngasut

Imm. 03. Balance Atammik-Napasog.

Suliassat nalinginnaasut

Imm. 04. Sanaartugassatut kissaatit ukiunullu tulliuttunut 2021-2024

Imm. 05. 2021-mi Nunaqarfiit ataatsimeersuartinneqarnissaannut sammineqarsinnaasut tullerriaarneri.

Imm.06 Atammimmi sannavimmut aningaasaliissutit atorneqarneq ajulersut.

Imm. 07. Nunaqarfinni majuartarfiit ikaartarfinnullu aningaasaliissutit ikippallaartut.

Paasissutissiissutit./Ilisimatitsissutit

Imm. 08.

Tamalaat

Imm. 09.



***Nunaqarfimmi aqutsisut Atammik-Napasog Maj-ip 27-ani 2020-mi ileqquusumik
ataatsimiinnera 05/20 nal 09:00***

Ataatsimiinneq aallartippoq nal. 09.06

Peqataasut:

Atassut

Niels Kristiansen

Inuit Ataqtigiit

Ole Poulsen

Siumut

Tippu Bolatta Jakobsen Poulsen

Anthon Poulsen

Jens Kristiansen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01. Oqaluuserisassat akuersissutigineri.

Aalajangiineq

Antuup ujartugaa tullianimut 10.06.oqaluuerisassanut ilanngunneqassaaq.

Akuerineqarput.



Imm. 02. Siulittaasup nalunaarutaa.

1. Qinikkatut ileqqorersaarnissaq pillugu Atammik-Napasooq eqqaasinneqarput.

2. Atammimmi sapaammi nal. 14.00-16.00 makitsinertalimmik eqqaasoqarpoq. 14.06 kingorna Imerusaatitalerlugit puttasut timai salinneqassapput.

3. 21. juni ullaakkut oqaaseqartussat Atammimmi Anthon Napasumi Ole, fritidslederit apereqqinneqassapput aqqissuussinissat pillugit.

Aalajangiineq

Tusaatitut tiguneqarput.



Aningaasaqarnermut tunngasut

Jr.nr.01.10

Imm. 03. Balance Atammik-Napasooq

Tunuliaqutaq

Balance-t takussutissatut ilanngunneqarput 07.05.2020 winformatik nutarsarami sulii piariinngilaq.

Maleruagassatigut tunngavissat

Qeqqata Kommunia-ta Karseqanermut maleruagassaa.

Innersussut.

Nunaqarfimmi aqutsisut tusaatissatut tiguneqassassut.

Aalajaangiineq.

Tusaatitut tiguneqarput.



Imm. 04. Sanaartugassatut kissaatit ukiunullu tulliuuttunut 2021-2024-mut.

Jr. nr.

Tunuliaqutaq

Allatseqarfimmiit allagarsissutigineqarpoq Nunaqarfimmi aqutsisut kingusinnerpaamik 01.juni 2020 kissaatit nassiunneqassasut. Atammik-Napasog ataatsimoorussamik nunaqarfimmi aqutsisut pingasunik kissaateqarsinnaapput.

Ilanngullugu allakkiq Qeqqata Kommunanut 2021-imut missingersuutitut missingersuutitigut kissaatit ilitersuut, ukiunullu tulliuuttunut inissitikkat.

Aningaasaqarnikkut kingunersinnaasai.

Pissutsit atuuttut.

Ukiut tamaasa kissaatinik, ukiunullu tulliuuttunut missingersuutit sammineqartarput

Allaffeqarfiup naliliinera

Ukiunut tulliuuttunut 2021-2024-mut missiliuutit sanaartugassatullu kissaatit sammineqassasut, Ukiulersuinerit nikisitassallu sammineqareerpata, kissaatitullu pingasut nunaqqatigiinnullu saqqummiunneqassasut Napasumi Atammimilu.

2021

Utoqqarnut innarluutilinnullu piginnaanikillisinut inissiat 6-it ataatsimoorussaq Atammimmi.

Atammimmi utoqqaat innarluutillilu piginnaanikilligaangamik najugartik/nunartik qimallugu illoqarfimmut nuuttariaqartarput. Tamanna siunissami pinaveersaarniarlugu ulloq unnuarlugu isumaginnifiusussamik sanaartortoqarnissaa kissaatigineqarpoq.

Illu timersorfiusinnaasoq (aula) Napasumi.

Napasumi timersortarfeerartaarniarneq ukiuni siuliini salliuttuarneqarpoq, massakkullu misissuisoqartariaqarluni Illu sullivimmut atuarfimmulluunniit atasumik timersorfiusinnaasumik pilersitsinisaq sanaartornissarlu.

Arsaattarfiup kujammut nunagissarinissaa Napasumi (2020-mut aningaasalernikuuvoq)

Napasumi arsaattarfik iluamik naammassineqarnikuunnigilaq, kujammut nunagissarlugu tallinissaanut aningaasaliisoqartariaqarpoq.

Sannaviup allinissaa, amutsivittaatalu sanimut ammut tallinissaa Napasumi.

Napasumi umiatsiaqqanut iluarsaarfik allinissaanut illikartitserummillu kranitassaanillu pisaar-nissaanut aningaasaliinissaq umiatsiaqqat alliartorput, amutsivittaa sanimut ammut tallinissaa titititsivittut.

Utoqqaat illuisa pitsanngorsarnissaat Napasumi. (pitsanngorsarneqarnikuupput)

Piniutaasiviit Atammimmi.

Atammimmi piniutaasiviit amigaatigineqarput, sumut tamanut ilioraasoqartarpoq, ataasiakkaanguit nunaminertamik pillutik inissinikuupput. Illoqarfimmisut akiliilluni atugassat.

2022

Qatserutaasivik nutaaq Napasumi.

Napasumi qatserutaasivik manna atortoq naleqqutinngilaq, pitsanngorsarneqaraluaruniluunniit. Nutaamik qatserutasivimmik sanasoqartariaqarpoq. Taamaallat matua firehjulinillu pisaarnikuuvoq.



Rækkehus-it Inuusuttunut inissiat Atammimmi.

Atammimmi inuusuttunut inissiat amigaataapput, avataaniillu nuukkusuttunut inissaqartitsisoqarani, akinik nunaqarfimmut tulluarsakkanik najugaqarfingeqarsinnaasunik peqartoqartariaqalerpoq.

Klubhus Atammimmi

Atammimmi meeqqanut inuusuttuaqqanullu orniguttarfissamik peqartariaqarpoq, meeqqat ornittagaat 2 timer kisimi timersortarfeeqqami periarfissaqarpoq, klubbi inersimasut amerlanertigut ornittagaat timersortarfeeqqami nal. 19-22-mut ingerlanneqartarpoq sap. akunneri sisamariarluni, allamik periarfissaqanngimmat timersortarfeeraq kisimi atornerarpoq. Atammimmi timersortarfeeraliortoqalermat katersortarfik nunaqqatigiit namminneq katersaminnik pilersitaat piarneqarnikuuvoq inaanullu timersortarfeeraliorlutik allamik periarfissaqanngimmat, taamanikkut oqartoqarluni allamik katersortarfik taarserneqassasoq tamannali ulloq namma tikillugu piviusunngortinnikuunani.

KNI/Pilersuisup talittarfiata avammit tallinissaa Atammimmi (2020-mut suliariniarneqarpoq)

Atammimmi 1900-koqarallarmalli talittarfik avammut talleriarneqarnikuugaluarpoq, atortussat anorersuup teqqarmatigit siulianiit naanninngorlugu suliarineqarnikuugami tininnerani iluamik taliffiusinnaajunnaarluni. taamaattumik kujammut itinerata tungaanut tallinissaa kissaatigineqarpoq.

Utoqqarnut pisinnaanerusunut inissiat Atammimmi.

Atammimmi utoqqarnut pisinnaanerusunut inissiat sisamat pigineqarput, maanna inuusuttunut meeralinnut ataatsinik najugarineqarlutik inissaaleqineq pissutigalugu.

Qatserutaasivik nutaaq Atammimmi.

Atammimmi qatserutaasivik maanna atuuttoq inissatigit killeqalersimavoq, allilernissaa kujammut periarfissaqalaaraluartoq inissisimanagera eqqaata nunagissarneratigit aatsaat iluatsissinnaavoq. Siunissami nutaamik qatserisarfeqalissappat nunaqarfiup qeqqarpasissuanut inissiinissaq eqqarsaataavoq.

2023

Eqqaavissuit nunagissarnissaat Atammimmi Napasumilu.

Eqqaavissuit saviminikuiarneri Napasumi malinnaalernikuuvoq Atammimmili sulii naammassilluarneqarani, eqqaavissuarlu ulikkaaqqajuarluni. Eqqaavissuit eqqaasa nunagissarnissaat eqqaavissuillu tungaannut aqquserngit pitsanngorneqarnissaat.

Atammimmi illu sulliviup qaliata, ammeriviullu allineqarnissaa.

Atammimmi illu sulliviup qaliata atortuulersinneqarnissaanut spærit qummut illikaallallaarlugit sullivanngortinnissaata amernik panertulerivittut siunissami sanaartorneqartariaqarpoq, ammeriviullu allinissaa inikippallaarneratigit suliffik orniginarunnaarnikuulluni ukiuunerani suliffissaqartitsinitit atorlugit amernik nutaanik sulliviugami ammillu sinerissamiit kalaallisuuliornermi alersissatut piumaneqartarlutik.

2024

Sannavik nutaaq Atammimmi.

Atammimmi umiatsiaqqanut iluarsaarfik manna atortoq naleqqukkunnaariartorpoq, tukimut saatillugu alliliisoqanngikkuni, umiatsiaqqat alliartorput oqimaalliartorlutillu atortorissaarnerusumik initunerusumillu pilersitsisoqartariaqalerpoq. 1957-mili sanaajuvoq.

Arsaattarfik Atammimmi.

Atammimmi arsaattarfik manna atuuttoq talleriarfissaqanngilaq, tukimut saatillugu allilinngikkaanni



allamik periarfittunerusumik sananissaq kissaatigineqarpoq.

Sannavik nutaaq Napasumi.

Napasumi sannavik nutaanngilivoq,ukiualuppasuit NAPP-mit ingerlanneqartarpoq,tapiissutiniq qaammatinut pingasunut akiliisoqartarluni.

Atammimmi Qeqertakasiup nunniornissaa.

Atammimmi Royalip fabriikkiata avataaniittoq qeqertap tungaanut nunniornissaa fabrikkip taliffigineqarsinnaalernissaanut talittarfia ikkappallaarpoq,taamaalilluni Angaju Ittukkut tulassinnaagaluardmata, maanna atortut Minik Articakktut tulassinnaangillat pitsanngorsaasoqartariaqarpoq.

Pissutsit atuuttut

Ukioq 2021-mut kissaatit pingasut imatut inissisimapput.

- 1.Atammimmi utoqqaat innarluutilillu sapernerusunut inissiat 6-it 4.mill.
- 2.Sannaviup umiatsiaqqeriviup allinissaa Atammimmi 1,2 mill.
3. Napasumi illu timersorfiusinnaasoq (Aula) 6.mill.

Innersuussut

Allaffeqarfiup innersuuttutigaa,nunaqarfimmi aqutsisut oqallisiagalugu aalajangiiffigissagaat.

Aalajangiineq

Innuttaasunut saqqummiunneqassapput 28.05.2020



Imm. 05. 2021-imi Nunaqarfiit ataatsimeersuartinneqarnissaannut sammineqarsinnaasut

tulleriaarneri

Jr. nr.

Tunuliaqutaq

Kanunupe-mi ilaasortap Paarnannguaq Jonathansenip ingerlateqqusaa siulittaasumut Jens Kristian Therkildsen-imukartoq 2021-mi Nunaqarfiit ataatsimeersuartinneqarnissaannut sammineqarsinnaasut Kajumissaarusuppassi ataatsimeersuarnermi sammineqarsinnaasut ataani allatorneqarsimasut tulleriaarnerinik isummersoqqullusi Imatut paasillugu Sammisassaq salliutikkusutarsi 1-mik normulerlugu, taava salliutikkusutarsi aappaat 2-mik normulerlugu, taamatut sammisassat 17-init tamarmik normulersorlugit.

Maleruagassat tunngavissat

Pissutsit atuuttut

Allakkami ilanngunneqartumi suut pisariaqartinneqarnersut normulersuisoqartariaqarput suut pisariaqartinneqarnersut taamaalilluni paasinarsissammat.

Innersuussut

Allaffeqarfiup innersuussutigaa, nunaqarfimmi aqutsisut eqqartorlugulu akissuteqassasut.

Aalajangiineq

Salliutikkusutat 1

1. Peqqinnissaqarfik.
2. Inuussutissarsiorneq-Piniarneq aalisarnerlu.
3. Nunaminertanik pilersaarusiorneq NUNAGIS-killeqarfiit
4. Ineqarneq (ilaatigut inissialiorneq aamma aserfallatsaaliuinerit)
5. Pisortat aqutsinerat, kommunalbestyrelsimullu attaveqaatit.

Salliutikkusutat 2

Sinneri tulleriaarneri malillugit 6-imiit 17-mut inissiinnassasut.



Imm. 06. Atammimmi sannavimmut aningaasaliissutit atornerarneq ajulersut.

Tunuliaqutaq

Nunaqarfimmi aqutsisuni ilaasortap Niels Kristiansen-ip oqaluuserisaangortitaa, siulittasup Tippu-Bolatta Jakobsen Poulsen-ip akuersissutigaa.

Atammimmi umiatsiaqqanut amutsivimmut /sannavimmut aningaasaliissutit atornerarneq ajulersut K:N:A:P:K-mik nalunaaqutallit aningaasat 20.000,-kr sannaviup ataani atornerarsinnaasunut. Nunaqarfimmi aqutsisut aalajangiillutik sunut atornerarsinnaangorlugit ingerlatitsisinnaanginnerisugut paasinaqqunarpoq, atornerqassanatik ikkusimaannalermata.

Aningaasaqarnikkut kinguerisinnaasai

Konto 2320803501-unikoq taanna imaqarpoq 20.000,-kr.

Pissutsit atuuttut

Ukiualuit qaangiupput Aalisartut peqatigiit AAPP-p sannavik tigungmiunnaarmassuk, tapiissutillu konto 2320803501-imi uninngaannalerlutik. Napasumi NAPP-ip tapiissutit ingerlappai kvartalimut.

Allaffeqarfiup naliliinera

Allaffeqarfik isumaqarpoq sipaarniutitut peerneqassanngitsut, siunissaq eqqarsaatigalugu AAPP-mit tigoqqinneqarsinnaanera ammatinneqartariaqarmat.

Innersuussut

Allakkatigit teknikkeqarfik isumasiorneqartariaqarpoq, sunut atornerarallarneqarnissaat nunaqarfimmi aqutsisut kissaateqarnerat malillugu.

Aalajangiineq

Teknikkeqarfimmut allagaqartoqassaaq.

Imm.07. Nunaqarfimmi majuartarfiit ikaartarfinnullu aningaasaliissutit ikippallaartut.

Tunuliaqutaq

Nunaqarfimmi aqutsisuni ilaasortap Niels Kristiansen-ip oqaluuserisassanngortitaa, siulittaasup Tippu Bolatta Jakobsen Poulsen-ip akuersissutigaa.

Nunaqarfitta iluani majuartarfiit ikaartarfiillu qassiunersut kisinngikkaluarlugit konto atorneqartar-toq ukiumut 18.000,-kr-nik ikippallaanik aningaasalerneqartarpoq. takusinnaasagut malillugit ullut-sinnut naleqqukkunnaarput, majuartarfiillu tummerartai maleruagassanut tulluarnatik.

Taakkulu qaffanneqartariaqartut 2021-imut ilassutitut 82.000,-kr katillugit 100.000,-kr-ngorlugit.

Aningaasaqarnikkut kingunerisinnaasai

Atammimmi konto 2001801500 imaqarpoq 18.000,-kr Napasumi 2001701500 10.000,-kr

Pissutsit atuuttut

Ukiualussuarni ikaartarfiit majuartarfiillu aningaasaliissutit ikinnerat peqqutigalugu pitsanngorsar-nissaat annikitsualunnguakkarlugit suliarilaarneqartarput, taamaalilluni maannakkut nutaanngilisut amerlapput, aammalu piumasaaqatit malinnagit suliarineqartarnerisa kinguerisaanik taarsersugassa-qaalulersimalluni, qisuit atortussallu pisiarineri nassiunnerilu akitsornikuupput.

Allaffeqarfiup naliliinera

Allatseqarfik isumaqarpoq, budgetseminarimut ilanngunneqartariaqartut aningaasartaasa qaffalaar-nissai ullutsinnut naleqqussarlugit.

Innersuussut

Qaffaassutissamik taasisoqartariaqartoq, allaganngorlugulu teknikkeqarfimmut ingerlanneqarluni.

Aalajangiineq

Teknikkimut aningaasaqarnermullu ataatsimiititaliamut ingerlanneqassaaq.

Imm. 08. Ilisimatitsissutit/Nalunaarutit

- Allaffiup ningiuisa Atammik – Napasog qaammammut nalunaarutaat April 2020
- Angakkunik toornanillu inooqateqarsimaneq pillugu oqalugiarnissamut neqeroorut.



Imm. 09. Tamalaat.

10.juni Hansine peqataassanngilaq.



*Nunaqarfimmi aqutsisut Atammik-Napasog Maj-ip 27-ani 2020-mi ileqqusumik
ataatsimiinnera 05/20 nal 09:00*

Ataatsimiinneq naammassivoq nal: 11.09

